

元和縣志



元和縣志卷之三十五

藝文

同沈恭子遊虎邱

清遠道士

我本長殷周遭，罹歷秦漢四瀆，與五岳名山盡幽竄。及此客區中，始有近峯玩近峯，何鬱鬱平湖渺瀾澗。挽川之陰步上山之岸，山川共澄徹，光彩交凌亂。白雲翫欲歸，青松忽消半。客去川魚靜，人來山鳥散。谷深中見日崖幽，曉非旦聞子盛遊，遨風流足詞翰。嘉茲好松石，一言常累歎。勿謂予鬼神，忻君共幽贊。

元和縣志

卷三十五

藝文

一

遊虎邱寺觀清遠道士詩追和其韻

唐

皮日休

成道自衰周，避世窮炎漢。荆杞雖云梗，煙霞尚容竄。茲岑信靈異，吾懷愜流玩。石澀古鐵銼，嵐重輕埃漫。松膏膩幽徑，蘋沫著孤岸。諸蘿幄幕暗，衆鳥陶匏亂。巖罅地中心，海光天一半。元猿行列歸，白雲次第散。蟾蜍生夕景，沆瀣餘清旦。風日采幽什，墨客學靈翰。嗟予慕斯文，一詠復三歎。顯晦雖不同，茲吟粗堪贊。

從永陽王遊虎邱山

陳

張正見

滄波壯鬱島洛邑鎮崇芒未若茲山麗峇堯擅水鄉
地靈侔少室塗艱像太行重巖標虎踞九曲峻羊腸
溜深澗無底風幽谷自涼押沉餘王氣劔隱絕星光
白雲多異影丹桂有叢香遠看銀臺聳洞塔雜山莊
瑞草生金地天花照石梁

陪陸長源裴樞遊武邱寺

唐
皎然

雲水夾雙刹遙疑湧平陂入門見藏山元化何繇窺
曳組探詭怪停驄訪幽奇情氣爲爽德暖春亦隨
瑤草自的皪黃樓爭蔽虧金精發壞陵劔彩沉靈池

元和縣志

卷三十五

藝文

二

一覽匝天界中峯步未移應來生公石列坐援松枝

題東武邱寺

白居易

香刹看非遠祇園入始深龍蟠松矯矯玉立竹森森
怪石千僧坐靈池一劔沉海當亭兩面山在寺中心
酒熟憑花勸詩成倩鳥吟寄言軒冕客此地好抽簪

夜遊西武邱寺

白居易

不厭西邱寺閒來卽一過舟船轉雲島樓閣出煙蘿
路入青松影門臨白月波魚跳驚秉燭猿覷怪鳴珂

搖曳雙紅旆娉婷十翠娥

容滿態等
十妓從遊也

香花助羅綺

鐘梵避笙歌領郡時將久遊山數幾何一年十二度
非少亦非多

武邱寺路

白居易

自開山寺路水陸往來頻銀勒牽驕馬花船載麗人
芰荷生欲遍桃李種仍新好約湖堤上長留一道春

武邱寺路宴留別

白居易

銀泥裙映錦障泥畫舸停橈馬簇蹄清管曲終鸚鵡
語紅旂影動駮鞦嘶漸銷醉色朱顏淺欲語離情翠
黛低莫忘使君吟咏處女墳湖北虎邱西

元和縣志

卷三十五

藝文

三

遊虎邱

劉禹錫

青林虎邱寺林際翠微路立見山僧來遙從鳥飛處
茲峯淪寶玉千載惟邱墓埋劍人空傳鑿山龍已去
捫蘿披翳薈路轉夕陽遽虎嘯崖谷寒猿鳴松杉暮
徘徊北樓上海江窮一顧日映千里帆鴉歸萬家樹
暫因愜所適果得捐外慮庭暗棲還雲簷香滴甘露
久迷空寂理多爲聲華故永欲投此山餘生豈能誤

發蘇州後登武邱寺望海樓

劉禹錫

獨宿望海樓夜深珍木冷僧房已閉戶山月方出嶺

碧池涵劔彩寶刹搖星影却憶郡齋中虛眠此時景

虎邱寺

張籍

望月登樓海氣昏劔池無底浸雲根老僧只怕山移
去日暮先教鎖寺門

題虎邱東寺

張祐

雲樹擁崔嵬深行異俗埃寺門山外人石壁地中開
仰砌池光動登樓海氣來傷心萬古意金玉葬寒灰

題虎邱西寺

張祐

囂塵楚城外一寺枕通波松色入門遠岡形連院多
花時常到處別路半經過惆悵舊禪客空房深薜蘿

元和縣志

卷三十五

藝文

四

虎邱石壁詩

幽獨君

青松多悲風蕭蕭聲且哀南山接北山幽壙空崔嵬
白日空昭昭不照長夜臺雖知生者樂魂魄安能回
况復念所親痛哭心肝摧慟哭復何言哀哉復哀哉

答幽獨君詩

無名氏鬼

神仙不可學形化空遊魂白石非我朝青松爲我門
雖復隔幽壙猶知念子孫何以遣悲怨萬物歸其根
寄言世上人莫厭臨芳罇莊生問枯骨王樂復何言

虎邱

宋 范仲淹

昔見虎耽耽今爲佛子巖雲寒不出寺劔淨未離潭
幽步蘿垂境高禪雪閉庵吳都十萬戶烟瓦亘東南

虎邱

蘇軾

入門無平地石路穿細嶺陰風生澗壑古木翳潭井
湛盧誰復見秋水光耿耿鐵花秀巖壁殺氣禁蛙黽
幽幽生公堂左右立頑礦當年或未信異類服精猛
胡爲百歲後仙鬼互馳騁窈然留清詩讀者爲悲哽
東軒有佳致雲水麗千頃熙熙覽生物春意破清冷

元和縣志

卷三十五 藝文

五

我獨屬無事暖日相與永喜鵲翻初旦愁鳶蹲落景
坐見漁樵還新月溪上影悟彼良自哈歸田行可請

虎邱

元 郊 韶

春草青青繞闔閭山深石徑轉崎嶇空聞落日騰金
虎無復重泉闕玉鳧陸羽井深春雨歇生公石在白
雲孤傷心莫問魚腸劔怨逐秋聲上轆轤

雪霽顧仲瑛偕予與陳惟允坐劔池上惟允爲

寫圖因賦詩云

郊 韶

殘雪落林度西嶺陰澗寒泉凝素縵兩僧倚樹聽微

鍾一鶴臨流照清影松間旭日映山椒白雲英英如雨飄何當爲置王摩詰更添一樹紅芭蕉

題張校理王著作徐記室遊虎阜

明高啟

前身似是雲水僧餘習愛覓名山登最憐虎阜在平地一邱勢敵千峻嶒缺厓深深翳密葉欹石兀兀纏危藤昔年無事恣幽賞拄杖叩門來屢曾風廊聽竹移廣簾雪屋煨芋明高燈禪堂素壁醉題滿老衲喜客無嗔憎別來三載困塵土散落暑盡同遊朋谷猿

元和縣志

卷三十五

藝文

六

清叫烟霧隔宵夢欲往天蒼蒼幽懷鬱抱不得寫一月雨聲眠枕肱相親尚有北郭友材盡齊楚慙曹滕張君名駒稟神駿王子快鶻生鋒稜並淹客館校遺籍雲路萬里違騫騰徐卿亦是瑚璉器遠役又欲行擔簦明朝山鵲定鳴霽跬步可游何不能一林一澗幽景在遙想與鵲無虧增朱櫻綠笋雖已過正愛夏木陰層層欲營此行况甚易婦有藏酒魚新罾出城不必借車馬已辦布襪青行滕吾儕雖窮自有樂相聚豈比蟲蔚蔚亂離撥置且勿道願賦妙語留傳騰

劔池

高啟

干將欲飛出巖石裂蒼礦中間得深泉探測廢脩綆
一穴通海源雙厓樹交影山中多居僧終歲不飲井
殺氣凜猶在棲禽夜頻警月來照潭空雲起噓壁冷
蒼龍已何去遺我清絕境聽轉轆轤聲時來試幽茗

第三泉亭聯句

王鏊 王銓
都穆

鑿開孤嶂一痕青鏊 河酌還來漱玉亭銓 霜落舟楓

秋欲老穆 池涵寶劔氣無腥鏊 煎從桑苧傳三昧飲

對離騷喜獨醒却怪又新多浪語銓 馱於楊子詫中

元和縣志

卷三十五藝文

七

冷穆

題虎邱

日本僧 天祥

東西兩寺今爲一有客登臨見斷碑剩水殘山王霸
業苦風酸雨鬼仙詩樓臺半落長洲苑簫鼓時來短
簿祠盤郢魚腸何處是轆轤千尺嚮空池

虎邱中秋新霽

國朝 吳偉業

萬籟廣場合道人心地平天留今夜月雨洗去年兵
歌管星河動禪燈風露清淒涼闔閭墓斷壑起松聲

癸巳春日楔飲社集虎邱卽事四首

吳偉業

楊柳絲絲逼禁烟
筆床書卷五湖船
青溪勝集仍遺老
白袷高談盡少年
筍屐鶯花看士女
羽觴冠蓋會神仙
茂先往事風流在
重過蘭亭意惘然

蘭臺家世本貽謀
高會南皮話昔遊
執友淪亡驚歲月
諸郎才調擅風流
十年故國傷青史
四海新知笑白頭
脩禊只今添俯仰
北風杯酒酌營邱

訪友扁舟挂席輕
梨花吹雨五茸城
文章興廢關時代
兄弟飄零爲甲兵
茂苑聽鶯春社飲
華亭聞鶴故

元和縣志

卷三十五

藝文

八

園情衆中誰識陳
驚坐顧陸相看是老成

絳帷當日重長揚
都講還開舊草堂
少弟詩篇標赤幟
故人才筆繼青箱
抽毫共集梁園製
布席爭飛曲水觴
近得廬陵書信否
寄懷子美在滄浪

顏書石刻

吳偉業

魯公戈法勝吳鉤
決石錐沙莫與儔
火照斷碑山鬼出
劒潭月落影悠悠

鴨脚浜

汪琬

柳外鶯雛弄好音
暫牽畫舫入溪陰
棟花欲放黃魚

美穀雨纔晴綠樹深才少不堪文字飲興酣那惜短
長吟麥秋時節須行樂已分功名付陸沉

恭紀

萬歲樓落成

尤侗

閶闔天高紫氣浮蒼龍夙駕下蘇州春風初繞千人
石曉日羣瞻

萬歲樓漢詔蠲租追地節唐碑頌德勝之果吾
皇遊豫民歌舞虎阜從今號

帝邱

元和縣志

卷三十五 藝文

九

眞娘墓

唐白居易

眞娘墓虎邱道不識眞娘鏡中面唯見眞娘墓頭草
霜催桃李風折蓮眞娘死時猶少年脂膚黃手不牢
固世間尤物難留連難留連易消歇塞北花江南雪

眞娘墓

李商隱

虎邱山下劔池邊長遣遊人歎逝用冑樹斷絲悲舞
席出雲清梵想歌筵柳眉空吐效顰葉榆莢還飛買
笑錢一自香魂招不得祇應江上獨嬋娟

眞娘墓

宋譚銖

虎邱山下冢纍纍松栢蕭條盡可悲何事世人唯重
色真娘墓上獨留詩

真娘墓

明 梅鼎祚

何不學仙冢纍纍白陽西郭陰風悲虎邱一叩真娘
墓薜荔援牆蘭委露千歲蒙茸幾樹花夜飄鬼火曉
啼鴉向憐挾瑟彈清月猶憶吹簫乘彩霞吳閶少年
往來道黛蛾釵燕誰能好酒滴春雲夢不消泉聲幽
咽鐘聲老陌上行遊緩緩歸昨日紅顏今日非東望
闔閭穿葬處玉鳧欲化湛盧飛

元和縣志

卷三十五 藝文

十

顧湄云按此詩曹石倉名勝志載為宋米芾作蓋
繇吳中有含翠亭偽帖曾假是詩託元章以行題
曰元豐壬辰米芾書流傳人間即博洽如石倉尚
不能辨及考元豐紀元始戊午終乙丑而無壬辰
其敗闕已見史明古有言之作偽者幸其淺陋
不學古人得而議之此類是也今從禹珠集中錄
是詩以
正之

女墳湖

吳王葬
女處

唐 陸龜蒙

水平波淡遶迴塘鶴殉人沈萬古傷應是離魂雙不
得至今沙上少鴛鴦

五人墓行

國朝 邵長蘅

春光澹沲山塘路遊絲晴絮嬌芳樹路旁剝落三尺

碑云是前朝五人墓借問五人誰中央突兀顏

東西四塚排纍纍墓門晝鎖松風迴書生曾讀前朝
史依稀能說前朝事天啟年間歲在寅緹騎四出驚
狂獠此時一舸飛吳閶鬪鞞繡襖來昂藏吏部短衣
出就逮觀者擁塞如堵牆轟蕘萬口那可辨哭聲震
天日色黃五人大呼奮臂起形勢歛忽逐羹塘誰何
一校先橫屍中丞却避御史忙詔收棄市罪激變至
今死骨傳芬芳憶昔逆闖恣塗炭鋸斧銅甕衣冠殃
諸公駢首填牢戶東林首指左與楊篋輿就考備五

元和縣志

卷三十五

藝文

十一

毒尸蟲嚙肌不得葬叶闍奴更灼熏天燄穹祠金榜
蛟龍翔鳳闕敢擬至尊埒龜趺忽立成均旁往往嵩
呼九千歲冕旒袞玉爭輝煌寧知勢歇頓翻覆七尺
自絕阜城吭生祠處處毀斥盡木石估值充邊防豈
惟闍祠旋毀撤廿年變故那能說鼎湖鳧雁飛滿天
鍾山天壽狐狸穴玉匣珠襦夜不扃皇陵白骨愁冬
青眼前寂寞一坏土叅天檜栢蒼蚪鱗年年寒食山
橋畔指點飛花說五人

山塘旅寓二首

明

姜 埰

憶弟看雲日飄零滿地愁烽烟迷古戍花草轉皇州
作客猶初夏携家及暮秋向來登眺意憔悴仲宣樓
地接蒼山遠年催白髮新登臨興廢眼離亂死生身
秋水有孤鷺寒塘無幾人渡江諸弟子隨意五湖春

山塘紀事二首

國朝 朱彝尊

寒食山塘路游人隊隊偕桁楊充臯隸簫鼓導神牌
紅粉齊當牖銀花有墮釵殷勤短主簿端笏立阼階
吳俗迎城隍神至虎邱道士以王
珣地主袍笏立阼階延至厲壇

神來官道擁祝祭厲壇仍活脫青袍引縱橫繡幟乘

元和縣志

卷三十五 藝文

十一

巫風書具訓奢侈禮宜懲手版紛紛集吾憐張季鷹

吳俗土穀神城內外各十多以手版
迎城隍張翰祠葑門外亦與焉

寄顧云美

國朝 王 宛

遙羨風流顧愷之愛翻新曲覆殘碁家臨綠水長洲
苑人在青山短簿祠芳草乍逢飛燕候落花已過浴
蠶時一春不得同遊賞孤負風光滿鬢絲

闔閭城西有賣花翁討春之士往往造焉因招

襲美

唐 陸龜蒙

故城邊有賣花翁水曲舟輕去盡通十畝芳菲爲舊

業一家煙雨是元功
閑漆藥品年年別
笑指生涯樹
樹紅若要見春歸
處所不過攜手問東風

賣花辭

山塘多種花者

明 高 啟

綠盆小樹枝枝好
花比人家別開早
陌頭擔得春風
行美人出簾聞叫聲
移去莫愁花不活
賣與還傳種
花訣餘香滿路曰
暮歸猶有蜂蝶相
隨飛買花朱門
幾回改不如擔上
花長在

種花

國朝 邵長蘅

山塘映清溪
人家種花樹
清溪鴨頭青
門前虎邱路

元和縣志

卷三十五

藝文

十三

春陽二月中雜花千萬叢
朝賣一叢紫夕賣一叢紅
百花百種態牡丹大嬌貴
一株百朵花十千甫能賣
朱門買花還四面護紅闌
繡幕遮風日嬌歌間清彈
復有閒花木點綴白石盆
咫尺邱壑趣屈蟠松檜根
買實几案間一盆直千鐙
老圃解種花老農解種穀
種穀輸官租種花豔儂目
種花食肉糜種穀食糠粃
還復受敲朴肉剝難爲醫
嗟呀重嗟呀老農苦奈何
呼兒賣黃犢明年學種花

宿半塘寺

宋 鄭思肖

一襟清氣足此夜豈人寰醉影松杉下吟身風露間
秋懸當殿月雲宿近城山明發騎鯨去飄然不可攀

題半塘寺顧叔明畫松壁

明 孫寧

顧君叔明善畫松筆勢直與韋偃同片縑幅紙不易
得人爭一覩清雙瞳玉岩上人卽粲可早躋十地成
全功禪房素壁耀霜雪繪畫未許來庸工叔明對此
役意匠捉筆跳叫聲摩空須臾貌作老蛟影毫端瞥
若回腥風隔坐時疑翠濤響鉤簾或訝元雲封宿鶴
已去落花盡庭前細雨春濛濛老夫尋幽適相遇覽

元和縣志

卷三十五

藝文

十四

之便覺心神融酒酣信手一揮洒醒媿浣花溪上翁

臨頓里

唐 皮日休

郭郭曠若郊墅余每相訪欵然惜去因成五
言十首奉題屋壁

一方蕭灑地之子獨深居繞屋親栽竹堆床手寫書
高風翔砌鳥暴雨失池魚暗識歸山計村邊買鹿車
籬疎從綠槿簷亂任黃茆壓酒移溪石煎茶拾野巢
靜窻懸雨笠閒壁挂煙匏支遁今無骨誰爲世外交
繭稀初上簇醅盡未乾床盡日留蠶母移時祭麴工

趁泉澆竹急候雨種蓮芒更葺園中景應爲顧辟疆
靜僻無人到幽深每自知鶴來添口數琴到益家資
壞塹生魚沫頽簷落燕兒空將綠蕉葉來往寄閒詩
夏過無擔石日高開板扉僧雖與筒簞人不典蕉衣
鶴靜共眠覺鷺馴同釣歸生公石上月何夕約談微
經歲岸烏紗讀書三十車水痕侵病竹蛛網上衰花
詩任傳漁客衣從遞酒家知君秋晚事白幘刈胡麻
寂歷秋懷動蕭條夏思殘久貧空酒庫多病束魚竿
元想凝鸛扇清齋拂鹿冠夢魂無俗事夜夜到金壇

元和縣志

卷三十五

藝文

十五

閉門無一事安穩睡涼天砌下翹飢鶴庭陰落病蟬
倚杉閒把易燒术靜論元賴有包山客時時寄紫泉
病起扶靈壽翛然強到門與杉除敗葉爲石整危根
薜蔓狂遮壁蓮莖 枕盆明朝有忙事召客斲桐孫
緩頰稱無利低眉號不能世情都大薄俗意就中憎
雲態不知驟鶴情非會徵小臣誰奉詔來此寫姜肱

襲美題郊居十首次韻酬之

陸龜蒙

近來惟樂靜移傍故城居間打脩琴料時封謝藥書
夜停江上鳥晴晒篋中魚出亦圖何事無勞置棧車

倩人醫病樹看僕補衡茅散髮還同阮無心敢慕巢
簡便書露竹樽待破霜匏日好林間坐烟蘿僅欲交
倭僧留海紙山匠製雲牀懶外應無敵貧中直是王
池平鷗思喜花盡蝶情忙欲問新秋計菱絲一畝強
故山空自擲當路竟誰知祇有經時策全無養拙資
病深憐炙客炊晚信樵兒 欲陳風俗周官未采詩
福地能容塹元關詎有扉靜思瓊板字閒洗鐵筇衣
鳥破涼煙下人衝暮雨歸故園秋草夢猶記綠微微
水影沉魚器鄰聲動緯車燕輕捐墜葉蜂懶卧燋花

元和縣志

卷三十五

藝文

十六

說史評諸例論兵到百家明時如不用歸去種桑麻
禹穴竒編缺雷平異境殘靜吟封籙檢歸興削帆竿
白石堪爲飯青蘿好作冠幾時當斗柄同上步綱壇
強起披衣坐徐行處暑天上堦來鬪雀移樹去驚蟬
莫問鹽車駿誰看醬瓿元黃金如可化相近買雲泉
野入青蕪巷陂侵白竹門風高開栗刺沙淺露芹根
迸鼠緣藤桁飢鳥立石盆東吳雖不改誰是武王孫
踈慵真有素時勢盡無能風月誰爲敵林泉幸未憎
酒材經夏闕詩債待秋徵祇有同君僻閑來對曲肱

題陸山人樓

山人名去奢樓
爲戴顓宅故址

唐

儲光羲

暮聲雜初雁夜色涵早秋獨見海中月照君池上樓
山雲拂高棟天漢入清流不惜朝光滿其如千里遊

寄馮侍御

白居易

揚州驛裡夢蘇州夢到花橋水閣頭覺後不知馮侍
御此中昨夜共誰遊

師子林十二咏

明

高啟

師子峰

風生百獸低欲吼空山夜疑是天目巖飛來此山下

元和縣志

卷三十五

藝文

十七

含暉峰

演漾弄晴暉江山秋斂扉我吟康樂句日暮澹忘歸

吐月峰

四更棲鳥驚山白初上月起開東閣看正在雲峰缺

立雪堂

堂前參未退立到雪深時一夜山中冷無人祇自知

卧雲室

夕卧白雲合朝起白雲開惟有心長在不隨雲去來

問梅閣

問春何處來春來在何許月墮花不言幽禽自相語
指栢軒

清陰護燕几中有忘言客人來問不應笑指庭前栢

玉鑑池

一鏡寒光定微風吹不波更除荷芰影放取月明多

冰壺井

圓甃夏生冰光涵數星冷窻有定中僧休牽轆轤綫

脩竹谷

翠竹落經床林鳩午鳴後笋出恐人來編籬遮谷口

元和縣志

卷三十五

藝文

十八

小飛虹

初看卧波影應恐雨崇朝過澗尋師去端如度石橋

大石屋

渾沌復輪囷全無斧鑿紋門臨五湖水坐納四山雲

弔七姬冢

高 啟

疊玉連珠棄草根仙遊應逐馬嵬覓孤墳掩夜香初
冷幾帳留春被尙温佳麗總傷身薄命艱危未負主
多恩争妍無復呈歌舞寂寂蒼茹鎖院門

百口橋

王 賔

百口橋邊春日斜
舊時開遍紫荊花
山東人說張公
藝此是吳中顧訓家

東禪

宋僧
遇賢

門前綠樹無啼鳥
庭下蒼苔有落花
聊與東風論箇
事十分春色在誰家

登文星閣

國朝
程邑

城隅瞻眺對芳春
傑閣巍峩迥絕塵
憑檻應疑到霄
漢捲簾長可摘星辰
千年俎豆威儀肅
三月鶯花氣象新
猶有名山異書在
劔光遙燭斗牛津

元和縣志

卷三十五 藝文

十九

定慧院顒師爲予竹下開嘯軒 宋蘇軾

啼鳩催天明
喧喧相詆誚
暗蛩泣夜永
唧唧自相弔
飲風蟬至潔
長吟不改調
食土蚓無腸
亦自終夕叫
鴛貪聲最鄙
鵲喜意可料
皆緣不平鳴
慟哭等嬉笑
阮生已踈狂
孫子亦未妙
道人開此軒
清坐默自照
衝風振河海
不能號無竅
寂寂吾何言
風來竹自嘯

烏鵲橋

高啟

烏鵲南飛月自明
恨通雲漢水盈盈
夜來橋上吳娃
過只道天邊織女行

南園

在城南吳越廣陵王錢元璪所闢營之三十年勝甲吳中今郡學東菜圃也

高啟

君不見平樂館古城何處寒雲滿君不見奉誠園荒
臺無蹤秋草繁白石沉山水歸海寒暑頻催陵谷改
皇天大運有推移富貴於人豈長在請看當年廣陵
王雙旌六纛何輝煌幸逢中國久多故一家割據誇
雄強園中歡遊恐遲暮美人能歌客能賦車馬春風
日日來楊花吹滿城南路疊石爲山引泉爲池辟疆
舊園何足奇經營三十年欲令子孫永保之不知回

元和縣志

卷三十五

藝文

二十

首今幾時繁華掃地無復遺門掩愁鴉嘯風雨種菜
老翁來作主空餘怪石卧池邊欲問興亡不能語春
已去人不來一樹兩樹桃花開射堂踰圃俱青苔何
須雍門琴但令對此便可哀人生不飲胡爲哉人生
不飲胡爲哉

南園二首

國朝

彭孫適

三月南園雨復晴輕衣初試踏青行碧桃水暖通人
境綠柳陰濃覆女城春草欲將幽佩結夕陽多傍畫
橈明閒中易有芳時恨花落空林已暗驚

聞唱吳歛早倦聽南園猶作片時停集賢舊苑春將
暮相國東門草自青

南園廣陵王錢元璪池館宋集
賢校理蘇舜欽買居之在吳東

門芳樹斜陽成晚晚孤帆細雨極飄零朝來觸目多
惆悵榆莢花殘已滿庭

葑谿雜興

明 韓 雍

霜重林已空風高水愈涸荒園一散步暮景覺蕭索
忽見古梅樹橫斜出籬落攬衣看枝柯相將綻紅萼
歲寒幸有此氣味儘可託

與二弟泛舟遊吳氏東莊因寄匏翁

元和縣志

卷三十五

藝文

二十一

文 林

緣城畛流水榆柳綠蔭門艤舟信登涉忽得吳公園
小亭面高岡蘿徑隱可捫青山出墻頭白雲宿林根
歌鶯滯池曲游魚戲波渾繁景當首夏過雨氣微温
老我獨已樂偕有弟與昆清唱散林木起行歷郊原
日斜亂人影眷戀忘歸轅水木子夙好况兹故情敦
主人方宦達樂事誰與論室邇人則遐相思黯消魂
出處各有會一笑復餘尊

雨夜宿吳匏菴宅

沈 周

雨中客舍苦局促故人招我有尺牘書云竹居可閒
坐烹茶剪韭亦不俗得書徑往興亦豪何慮衝泥污
雙足開門山林在城市涇綠如雲亞羣竹主人罄折
故意深道慰契闊須信宿榻上爲我設衾枕堂中爲
我羅酒肉我時肺病已絕飲強舉一觴連五六長談
細辨困僕夫燈影簷花亂書屋羨君有弟雅誼同山
水光明信珠玉故事方思衛人家還咏逍遙堂後木
人生良會豈易易他日如今又難卜謬圖菲語何足
記雪泥聊耳知鴻鵠

元和縣志

卷三十五

藝文

二十一

西施采蓮歐冶鑄劍所

李紳

嵐光花影繞山陰山轉花稀到碧潯傾國美人妖艷
遠鑿山良冶鑄爐深凌波莫惜臨妝面瑩鏑當期出
匣心應是蛟龍長不去若耶秋水尙沈沈

采蓮涇

在城東南

高啟

青房戢多子采得儂心喜今夜水風涼君王宿船裡
行處綠雲迷歌聲一道齊回頭調越女何似若耶溪

赤門道中

張羽

片帆迢遞入吳烟竹淑蘆洲斷復連柳影濃遮官道

上蟬聲多傍驛樓前近湖漁舍皆懸網
回浦人家盡種蓮行到吳王夜遊處
滿川芳草獨堪憐

荷花蕩夜歸次吳水部德徵詩 文 林

采芳日暮未言歸處處村家息杼機
水漫蓮洲愁路斷月明沙渚覺鷗飛
高歌小海風波急回首橫塘烟火微
蘭棹屢移尊屢倒不知露下已霑衣

寶帶橋 釋善住

運得他山石還將石作梁直從隄上去
橫跨水中央白鷺下秋色蒼龍浮夕陽
濤聲當夜起併入榜歌長

元和縣志

卷三十五

藝文

二十三

寶帶橋弔陳瑋妻張氏 國朝 吳有涯

不得死郎前將心託何處橋邊水嗚咽
定向吳江去

丙戌正月被擄至此投水死

澹臺湖 施閏章

子羽善含章耿介蘊雄畧高步薄詭隨
樓遁躡芒屨寥寥衡門內弦歌時間作
中流怒雙蛟長嘯氣不作揮劔復碎璧
慷慨何卓犖寧知渡江來音徽助文學
古墓緬雲烟荒祠照城郭洋洋湖波間
流風一如昨

九里湖 吳 驥

太湖風濤湧銀屋望處令人駭心目豈知數里小澄
湖近接吳淞烟水曲未能朝宗會百川頗擅清虛遠
塵俗沿隄冉冉春流漫拍岸溶溶朝雨足桃花浪暖
鏡光明時動微瀾皺輕縠忘機鷗鳥自往還無意汀
蒲爲誰綠農憂亢旱資灌溉戶有鮮鱗供口腹我遊
朔方思故鄉恒厭黃埃暗山谷此曰南歸得縱觀欣
聞漁唱聲相續欲收佳景入吟懷俄報斜陽去何速

顧榮廟

明高啟

晉侍中顧彥先有墓并祠在長洲之東久而

元和縣志

卷三十五

藝文

二十四

廢爲淫祀縣令周君復之爲賦是詩

軍司吳國秀機神夙超朗弱冠遊洛師已蒙南金賞
崎嶇諸王幕沉湎務遵養中罹廣陵艱計服匪誠枉
風雲一揮扇義旅臻同響事成恥言勲飄然理歸鞅
晉社始徂遷羣賢悉收獎道謁眞感會矯翼丹霄上
德聞一代稱跡泯千齡往時屯乏良佐英謨益堪想
壇祠託荒郊蕭條並榛莽童侵雨隧淫巫闖神幌
大夫過停轅式瞻爲含愴衣冠復故貌几筵隲新享
寡劣忝鄉人因歌表遐仰

問吳宮辭 并序

唐 陸龜蒙

甫里之鄉曰吳宮在長洲苑東南五十里非
夫差所幸之別館耶披圖籍不見其說詢故
老不得其地其名存其跡滅悵然興懷古之
思作問吳宮辭

彼吳之宮兮江之涯複道盤盤兮高且斜波搖疏兮
霧濛箔菡萏國兮鴛鴦家鸞之簫兮蛟之瑟駢筠參
差兮界絲密燕曲房兮上初日月落星稀兮歌酣未
畢越山叢叢兮越溪疾美人雄劍兮相先後出火姑

元和縣志

卷三十五 藝文

二十五

蘇兮沼長洲此宮之麗人兮留乎不留霜氛重兮孤
榜曉遠樹枯疎兮愁烟梢渺欲撫愁烟兮問故宫又
恐愁烟兮惟白鳥

暑中遷寓甫里精舍

元 柳 貫

城隅亦有果園坊容得閒人借草堂何必漁樵之笠
澤故多水石近滄浪過橋稍接魚蝦市泛艇遙連雁
鷺鄉秋雨幾時能破塊夜燈休負讀書牀

懷甫里

倪 瓚

筇竹依依故里石刊翰墨模糊龐公力田二頃拾遺

扁舟五湖

野老移家圖爲謝應芳賦

袁華

野老移家向何許
迺在吳淞之甫里
治生懶學陶朱
公釣竿欲覓元真子
小兒讀書坐船頭
大兒擊楫歌中流
細君斫膾婦炊黍
老子醉卧蘆花秋
人生眞樂不易得
兒女團圞居澤國
避秦何必問桃源
朝泊江南暮江北

謁甫里祠

明高啟

衣冠寂寞半塵絲
想見江湖獨卧時
遁跡虛煩明主

元和縣志

卷三十五

藝文

二十六

詔感懷猶賦散人詩
釣魚船去雲迷浦
鬪鴨闌空草滿池
芳藻一杯誰爲奠
鼓聲只到水神祠

偶過甫里乘月至白蓮寺訪天隨故祠

文徵明

一龕香火白蓮宮
古社猶題甫里翁
坐挹高風千載上
依然故宅五湖東
雨荒杞菊流螢度
月滿陂塘鬪鴨空
故草已隨塵土化
空瞻遺像寂寥中

祠有唐時遺像爲狂

人所仆腹中皆翁手稿後像雖設而稿不可復得矣

魏文靖舊宅唐羅昭諫先曾結菴於此

蔣 鉉

野廟斜陽古渡頭千年唐宋水空流蒲砧響落三更
月牧簫寒生萬樹秋老我亂離來避地昔人哀怨此
登樓於今不必憑高望荒草吳宮更起愁

青邱子歌

高 啟

江上有青邱予徙家其南因自號青邱子閒
居無事終日苦吟間作青邱子歌言其意以
解詩淫之誚

青邱子臞而清本是五雲閣下之仙卿何年降謫在

元和縣志

卷三十五

藝文

二十七

世間向人不道姓與名躡屩厭遠遊荷鋤懶躬耕有
劍任羞澀有書任縱橫不肯折腰爲五斗米不肯掉
舌下七十城但好覓詩句自吟自酬賡田間曳杖復
帶索傍人不識笑且輕謂是魯迂儒楚狂生青邱子
聞之不介意吟聲出吻不絕咿咿鳴朝吟忘其飢暮
吟散不平當其苦時兀兀如被醒頭髮不暇櫛家事
不及營兒啼不知憐客至不果迎不憂回也空不慕
猗氏盈不慙被寬褐不羨垂華纓不問龍虎苦戰鬪
不管烏兔忙奔傾向水際獨坐林中獨行斲元氣搜

元精造化萬物難隱情冥茫八極遊心兵坐令無象
作有聲微如破懸蝨壯若屠長鯨清同吸沆瀣險比
排崢嶸靄靄晴雲披軋軋凍草萌高攀天根探月窟
犀照牛渚萬怪呈妙意俄同鬼神會佳景每與江山
爭星虹助光氣烟露滋華英聽音諧韶樂咀味得太
羹世間無物爲我娛自出金石相轟鏗江邊茅屋風
雨晴閉門睡足詩初成叩壺自高歌不顧俗耳驚欲
呼君山老父攜諸仙所弄之長笛和我此歌吹月明
但愁歛忽波浪起鳥獸駭叫山搖崩天帝聞之怒下

元和縣志

卷三十五

藝文

二十八

遣白鶴迎不容在世作狡獪復結飛珮還瑤京

磧砂寺

在陳湖北

沈周

雙幢落日倚漁汀北下孤舟此暫停野客偶驚雲外
犬老僧隨掩石邊經沙洲獨樹藤蘿紫古殿遺基薺
麥青今夜試留湖上枕踈鐘高浪不堪聽

遊張林山

徐賁

偶爲尋花到竹西兩山雲氣接高低午烟僧舍林塘
窅春野人家草樹齊水鶴晴時行麥隴園蜂暖處識
蘭畦自憐遠地歸來後纔是登臨便感悽

陳湖秋汎

陳基

平湖秋色曉蒼蒼
鼓柁聲傳浦溆涼
鴻雁欲來天拍水
蒹葭初老露爲霜
菊荒甫里人何在
鱸入松江興轉長
不用臨流重懷古
葦花菱葉滿滄浪

夜渡吳淞江懷古

唐宋之問

倚棹望茲川
消翬獨黯然
鄉連江北樹
雲斷日南天
劔別龍初沒
書成雁不傳
離舟無限意
催渡復催年

過吳淞

李郢

片帆孤客晚夷猶
紅蓼花前水驛秋
歲月方驚離別

元和縣志

卷三十五 藝文

二十九

盡烟波仍駐古今愁
雲陰故國山川暮
潮落空江網罟收
還有吳娃舊歌曲
棹歌遙散采菱舟

吳淞漁樂

明沈貞

家住滄洲白鳥邊
捕魚沽酒自年年
桃花浪垂釣楊柳
風輕不繫船
帆影帶歸孤嶼月
笛聲吹散一江烟
武陵亦是人間路
誰說仙家別有天

題李無晦醉眠亭

宋蘇軾

已向閒中作地仙
更於酒裏得天全
從教世路風波惡
賀監偏工水上眠

君且歸休我欲眠人言此語出天然醉中對客眠何
害始信陶潛未若賢

題醉眠亭

蘇轍

是非一醉了無餘惟有胸中萬卷書已把人生比蘧
傳更將江浦作堦除欲眠賓客從教去倒臥攪穉豈
暇舒京洛舊遊眞夢裏秋風無復憶鱸魚

泛澱山湖

明屠隆

扁舟凌紫氛蕭灑絕人羣浦暗遙吞樹湖空不碍雲
浪推沙鳥出風挾寺鐘聞故有滄洲癖徘徊春夕曛

元和縣志

卷三十五 藝文

三十

干將墓

高啟

干將善鑄劒劒成終殺身吳伯亦遂亡神物豈不神
始知服諸侯威武不及仁徒勞冶金鐵精光動星辰
莫邪應同埋荒草千古春青蛇冢間出猶欲恐耕人

夔亭問潮館

國朝徐崧

千年鴨脚樹婆婆亭畔行舟日夜過莫問海潮重到
未狀元吾郡自來多

夜至陽城田家

明高啟

東津渡頭秋月輝南陵寺裏遠鐘微主人入夜門未

掩蒲響滿塘鵝鴨歸

渡陽城湖

釋法杲

不知何所事身墮渺茫間岸白流魚沫天青出蜺山
樹微看漸滅雲薄去如閒無限隨波意輕舟試往還

低田婦

沈周

湖田十年纔一畊今年又與湖波平男兒築岸婦踏
水日長踏多力不生百輻翩翩轉鴉尾塗足蓬頭濯
風雨君不見田家不悔苦生涯生女還復嫁田家

吳歌六首

屠隆

元和縣志

卷三十五

藝文

三十一

下田春水深高田春水綠何故把長鑿無錢買黃犢
兩男易盜粟猶勝委長渠厨中無夜飯門外催官租
天上明月光腫臃照華堂富家一夕宴貧家千日糧
蓮子湖中生亦在湖中長嬌女年十三乘舟學蕩槳
風篷鳴夜雨水檻出蒼烟夫妻湖口住白首不相捐
終朝出餉饁薄暮歸織布誰家懷春女輕衫若烟霧

舶趁風

是風起天不雨
約十日餘乃止

宋蘇軾

吳中梅雨旣過颯然清風彌旬歲歲如此吳
人謂之舶趁風是時海舶初回云此風自海

上與舶俱至云爾

三旬已過黃梅雨萬里初來舶趁風幾處縈回度山
曲一時清駛滸江東驚飄簌簌先秋葉喚醒昏昏嗜
睡翁欲作蘭臺快哉賦卻嫌分別問雌雄

秋雷歎

吳諺云秋孛輻
斛謂立秋口雷也

范成大

立秋之雷損萬斛吳儂記此占年穀汰哉豐隆無藉
在政用此時鳴孛輻向來夏旱連三月吁嗟上訴聲
滿屋訟風未憖復占雷助魃爲妖天更酷我雖閒寂
黍祠史家請官俱尚倉粟塵甑貧交滿目前卒歲將
元和縣志

卷三十五

藝文

三十一

何救枵腹但願吳儂言不驗共割黃雲炊白玉天人
遠近叵戲論裨竈安能尸禍福

冬春行

范成大

臘中儲蓄百事利第一先春年米計羣呼步碓滿門
庭運杵成風雷動地篩勻箕健無糶糠百斛只費三
日忙齊頭圓潔箭子長隔離耀日雪生光土倉瓦龕
分蓋藏不蠹不腐常新香去年薄收飯不足今年頓
頓炊白玉春耕有種夏有糧接到明年秋刈熟鄰叟
來觀還歎嗟貧人一飯不可賒官租私債分如麻有

米冬春能幾家

燒火盆行

范成大

春前五日初更後排門燃火如晴晝大家薪乾勝豆
秸小家帶葉燒生柴青烟滿城天半白栖鴉驚飛啼
格磔兒孫團坐雞犬忙鄰曲歡笑遙相望黃宮氣應
纔兩月歲陰猶驕風栗烈將行陽令作好春正要火
盆生煖熱

照田蠶行

范成大

鄉村臘月二十五長竿燃炬照南畝近似雲間森列

元和縣志

卷三十五

藝文

三十三

星遠如風起飄流螢今春雨塗繭絲少的知新歲田
蠶好夜來風焰西復東此占最吉餘難同不惟桑賤
穀芘芘仍更苧麻無節菜無虫

分歲祠

范成大

質明奉祠古今同吳儂用昏葢土風禮成樂徹夜未
艾飲福之餘卽分歲地爐火煖蒼朮香行盤果餌如
蜂房就中脆錫專歲物四座齒頰鏘冰霜小兒但喜
新年至頭角長成添意氣老翁把盃心茫然增年反
爾減吾年荆釵勸酒仍祝願願翁尊前且強健君看

今歲舊交親，大人無此盃。
分老翁飲罷，笑撚鬚。
明朝重來醉屠酥。

打灰堆詞

范成大

除夜將闌，曉星爛。糞埽堆頭打如願。
杖敲灰起，飛撲籬不嫌。
灰浣新節衣。老媪當前再三祝。
只要我家常富足。
輕舟作商，重船歸大。特引犢雞哺兒野。
繭可繅麥兩岐，短袄換着長衫衣。
當前婢子挽不住，有耳猶能聞我語。
但如我願不汝呼，一任汝歸彭蠡湖。

賣痴𪗇詞

范成大

元和縣志

卷三十五

藝文

三十四

除夕更闌人不睡，厭襪遲鈍迎新歲。
小兒呼叫出長街，家有痴𪗇叫人買。
二物於人誰獨無，就中吳儂偏有餘。
巷南巷北賣不得，相逢大笑相揶揄。
老翁塊坐重簷下，獨要買漆。
今問價兒云：翁買不須錢，奉賒痴𪗇千百年。

燈市行

范成大

吳臺今古繁華地，偏愛元宵燈影戲。
春前臘後天好晴，已向街頭作燈市。
壘玉千絲似鬼工，翦羅萬眼人力窮。
兩品爭先最先出，不待三五迎東風。
兒童種麥

荷鋤倦偷閒也向城中看酒鑪博塞襍歌呼夜夜長
如正月半災傷不及十之三歲寒民氣如春酣農家
只幸荒年少始覺城中燈市好

祀竈詞

范成大

古稱臘月二十四竈君朝天欲言事雲車風馬少流
連家有杯盤豐腆祀豬首爛熟雙魚鮮豆沙甘鬆粉
餅團男兒酌酒女兒避酌酒燒錢竈君喜婢子鬪爭
君莫聞猫狗觸穢君莫嗔送君醉飲登天門杓長杓
短勿復云乞取利市歸來分

元和縣志

卷三十五

藝文

三十五

爆竹行

范成大

歲朝爆竹傳自昔吳儂正月前五日食殘豆粥掃罷
塵截筒五尺煨荒薪節間汗流火方透健僕取將仍
立走兒童却退避其鋒當堦擊地雷霆吼一聲兩聲
百鬼驚五聲六聲鬼巢傾十聲連百神道寧八方上
下皆和平却拾焦頭壘床底猶有餘威可驅厲屏除
藥物添酒盃盡日嬉遊夜濃睡

迎春歌

明

袁宏道

東風吹煖婁江樹三衢九陌凝烟霧白馬如龍破雪

飛犢車碾水穿香度鑊吹拍拍走烟塵炫服靚粧十
萬人羅額鮮明紛紛綵勝社歌繚繞簇芒神緋衣金帶
印如斗前列長官後太守烏妙新縷漢宮花青奴跪
進屠蘇酒采蓮舟上玉作幢歌童毛女白雙雙梨園
舊樂三十部蘇州新譜十三腔假面胡頭跳如虎窄
衫繡袴槌大鼓金蟒纏身神鬼粧白衣合掌觀音舞
觀者如山錦相屬雜沓誰分絲與肉一路香風吹笑
聲十里紅紗遮醉玉青蓮衫子藕荷裳透額垂髻淡
淡粧拾得春條誇姊妹袖來佳果擲兒郎急管繁絃

元和縣志

卷三十五

藝文

三十六

又一時千門楊柳破青枝獨有閉門袁大令塵擁書
床生網絲

走三橋詞

陸 伸

細娘分付後庭雞不到天明莫浪啼走徧三橋燈已
落却嫌羅襪污春泥

吳人呼處
女爲細娘

冶遊

國朝

邵長蘅

吳峯如點黛吳溪如染藍吳娃艷妝裹冶遊心所忺
玉腕黃金釧鴉鬢琥珀簪月華百褶裙杏子單紅衫
二月春始半蹋青邀女伴小桃虎邱紅新柳山塘短

燒香觀音山絲繡三丈旛拔釵供佛會共郎遊梵天
五月胥江怒水嬉謹競渡團扇薄不遮故教冶容露
六月荷花蕩輕橈泛蘭塘花嬌映紅玉語笑薰風香
中秋千人石聽歌細如髮十八楞伽山湖亭待串月
何許更登高吳山黃花節冶遊春復秋婉變不知愁
西鄉大養蠶東鄉種棉花養蠶姊條桑種花妹紡車
儂自袖手坐衣著綾羅紗

紅菱

尤侗

采蓮歌未歇又唱采菱歌頭角崢嶸甚肌膚冰雪多

元和縣志

卷三十五

藝文

三十七

紫衣能映坐羅襪解凌波我欲拏花葢粧臺照翠蛾

冰窖歌

尤倬

我聞古之凌陰備祭祀今何爲者惟謀利君不見葑
溪門外二十四年年特爲海鮮置潭深如井屋高山
瀦水四面環冰田孟冬寒至水生骨一片頗黎照澄
月窖戶重裘氣揚揚指麾打水衆如狂窮人愛錢不
惜命赤脚踏冰寒割脛槌舂撞擊聲殷空勢欲敲碎
馮夷宮砢砢倏驚倒崖谷淙琤旋疑響瓊玉千筐萬
筥紛周遭須臾堆作冰山高堆冰成山心始快來歲

鮮多十倍賣海鮮不發可奈何街頭六月涼冰多

元和縣志卷之三十五

元和縣志

卷三十五

藝文

三十八

